

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и избјеглице

Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-05/1-02-22532/23
Sarajevo, 16.06.2023. godine

KJU Dom za djecu bez roditeljskog staranja
Ul. Bjelave 52, Sarajevo

Bosna i Hercegovina
Federacija Bosne i Hercegovine
MINISTARSTVO ZA RAD, SOCIJALNU POLITIKU I
IZBJEGLICE
KANTON SARAJEVO
Broj: 1495/23
20.06.2023 godine

Predmet: Saglasnost , dostavlja se

U ovo ministarstvo dostavili ste akt broj: 1118/23 od 15.05.2023. godine kojim tražite saglasnost na tekst Pravilnika o izmjenama Pravilnika o radu sa unutrašnjom organizacijom i sistematizacijom radnih mjesta broj: 142-UO/23 od 15.05.2023. godine koji je donio Upravni odbor Ustanove Odlukom broj: 143-UO/23 od 15.05.2023. godine i isti priložili u prilogu.

Shodno članu 76. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14-Prečišćeni tekst, 38/16, 44/17, 28/18, 52/21 i 40/22) koji propisuje da saglasnost na pravila i pravilnik o radu sa unutrašnjom organizacijom i sistematizacijom poslova ustanova, daje ovo ministarstvo, razmotren je dostavljeni pravilnik.

Uvidom u isti utvrđeno je da su shodno odredbama Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo br. 17/15 i 18/22) obrazloženi razlozi za povećanje procenta uvećanja plaće po osnovu otežanih uslova rada u obrazloženju Pravilnika, kao i razlozi za povećanje broja zaposlenika na radnom mjestu stručni saradnik-školski odgajatelj, medicinska sestra-tehničar, te domaćica. Takođe, u Pravilniku je napravljena finansijska konstrukcija sa zaključkom da su vezano za uvećanje plaća po osnovu otežanih uslova rada obezbjeđena finansijska sredstva u Budžetu KJU Dom za djecu bez roditeljskog staranja u 2023. godini.

S tim u vezi, u smislu člana 76. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom, Ministarstvo za rad, socijalnu politiku, raseljena lica i izbjeglice Kantona Sarajevo daje


SAGLASNOST

na Pravilnik o radu sa unutrašnjom organizacijom i sistematizacijom radnih mjesta KJU Dom za djecu bez roditeljskog staranja broj: 142-UO/23 od 15.05.2023. godine koji je donio Upravni odbor Ustanove Odlukom broj: 143-UO/23 od 15.05.2023. godine, a Saglasnost stupa na snagu danom donošenja.

Pripremio: Zoran Timarac, pom. ministrice [REDACTED]
Dostaviti:
1. Naslovu (prilog-pravilnik),
2. A/a.

MINISTRICA
[REDACTED]
Enda Pavić Pečenović





Na osnovu člana 27. stav (1) alineja 6. Zakona o ustanovama („Službeni list RBiH broj 6/92, 8/93, i 13/94), člana 118. Zakona o radu Federacije BiH („Službene novine FBiH“, broj 26/16 i 89/18 i 44/22), te člana 20. alineja f) Pravila Kantonalne javne ustanove Dom za djecu bez roditeljskog staranja, broj 53-UO/18 i 01-UO/19, Upravni odbor KJU Dom za djecu bez roditeljskog staranja na sjednici održanoj dana 15.05.2023. godine donosi

P R A V I L N I K
o izmjenama Pravilnika o radu sa unutrašnjom organizacijom i sistematizacijom radnih mjesta Kantonalne javne ustanove Dom za djecu bez roditeljskog staranja

Član 1.
(Izmjena člana 28.)

U Pravilniku o radu sa unutrašnjom organizacijom i sistematizacijom radnih mjesta Kantonalne javne ustanove Dom za djecu bez roditeljskog staranja, broj 98-UO/22 od 16.11.2022. godine, u **članu 28. (Puno radno vrijeme)**, stav (1) mijenja se i glasi:

„ (1) Puno radno vrijeme radnika traje 40 sati sedmično, a može se organizovati jednokratno po osam sati pet dana u sedmici, u smjenama i turnusima, u skladu sa potrebama procesa rada.“

Član 2.
(Izmjena člana 67.)

U **članu 67. (Uvećanje plaće po osnovu otežanih uslova rada)**, stav (3) mijenja se i glasi:

„(3) Otežani uslovi rada sa procentom uvećanja plaće utvrđuju se za sljedeća radna mjesta:

Red. br.	Naziv radnog mjesta	Procenat uvećanja plaće
1.	Stručni savjetnik – voditelj Prihvatišta za djecu	20%
2.	Stručni savjetnik – voditelj Malog porodičnog doma	20%
3.	Viši stručni saradnik – školski odgajatelj	20%
4.	Stručni saradnik – školski odgajatelj	20%
5.	Viši samostalni referent – predškolski odgajatelj	20%
6.	Medicinska sestra - tehničar	20%



7.	Medicinska sestra za koordinaciju zdravstvenih aktivnosti	20%
8.	Domaćica	20%
9.	Šef službe socijalne zaštite	15%
10.	Stručni savjetnik – voditelj Dnevnog centra za djecu	15%
11.	Stručni savjetnik – voditelj Servisa za podršku porodicama i djeci	15%
12.	Stručni savjetnik za edukaciju i razvoj socijalnih usluga	15%
13.	Viši stručni saradnik za socijalni rad	15%
14.	Viši stručni saradnik za psihološke poslove	15%
15.	Stručni saradnik - psiholog	15%
16.	Stručni saradnik – edukator - rehabilitator	15%
17.	Medicinska sestra za rad u mliječnoj kuhinji	10%
18.	Vozač	10%
19.	Portir	10%”

Član 3. (Izmjena člana 112.)

U članu 112. (Sistematizacija poslova službe socijalne zaštite), za radno mjesto Stručni saradnik – školski odgajatelj, u dijelu „Broj izvršilaca“, broj „7“, zamjenjuje se brojem „9“.

Za radno mjesto Medicinska sestra – tehničar, u dijelu „Broj izvršilaca“, broj „14“, zamjenjuje se brojem „16“.

Za radno mjesto Domaćica, u dijelu „Broj izvršilaca“, broj „16“, zamjenjuje se brojem „18“.

Član 4. (Stupanje na snagu)

- (1) Na Pravilnik o izmjenama Pravilnika o radu sa unutrašnjom organizacijom i sistematizacijom radnih mjesta Kantonalne javne ustanove Dom za djecu bez roditeljskog staranja pribavit će se saglasnost od strane Ministarstva za rad, socijalnu politiku, raseljena lica i izbjeglice Kantona Sarajevo.




- (2) Nakon dostavljanja odluke o davanju saglasnosti Ministarstva za rad, socijalnu politiku, raseljena lica i izbjeglice Kantona Sarajevo, Pravilnik o izmjenama Pravilnika o radu sa unutrašnjom organizacijom i sistematizacijom radnih mjesta Kantonalne javne ustanove Dom za djecu bez roditeljskog staranja objavit će se na oglasnoj tabli Doma.
- (3) Pravilnik o izmjenama Pravilnika o radu sa unutrašnjom organizacijom i sistematizacijom radnih mjesta Kantonalne javne ustanove Dom za djecu bez roditeljskog stupa na snagu osmog dana od dana objavljivanja na oglasnoj tabli Doma.

Broj: 142-UO/23
Datum: 15.05.2023.godine



**Vršilac dužnosti Predsjednika
Upravnog odbora**


Ernad Kurtović



Organizacija i sistematizacija poslova (organizaciona šema)

Ukupan broj radnih mjesta: 40

Ukupan broj radnika: 98



Vršilac dužnosti Predsjednika
Upravnog odbora
Ernad Kurtović